

## Հաշվետվություն

2024 թվականի ապրիլի 14-ից 16-ը Պորտուգալիայի Հանրապետություն կատարած գործուղման արդյունքների մասին

### 1. Անունը, ազգանունը, զբաղեցրած պաշտոնը

Մարինե Սահակյան, Արտաքին կապերի վարչության պետ

### 2. Գործուղման վայրը և ժամկետները.

Լիսաբոն, ապրիլի 14-ից 16-ը

### 3. Հրավիրող կողմը.

ՄԱԿ-ի Գլոբալ երկրատարածական տեղեկատվության կառավարման կոմիտե-  
Եվրոպա

### 4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ՄԱԿ-ի գլոբալ երկրատարածական տեղեկատվության կառավարման կոմիտե. Եվրոպա «Տվյալների ինտեգրում» և «Կայուն զարգացման նպատակներ» հարցերով հանդիպմանը:

Նոր համագործակցության հաստատում միջազգային կազմակերպությունների և տարբեր երկրների պաշտոնական ներկայացուցիչների հետ:

Մասնագիտական բնագավառում միջազգային փորձի փոխանակում:

### 5. Քննարկված թեմաները.

Հանդիպման երկու օրերի ընթացքում ներկայացվեցին հետևյալ հիմնական թեմաները.

- ✓ Տվյալների ինտեգրում,
- ✓ Կայուն զարգացման նպատակներ,
- ✓ Գործողությունների կարգավիճակը ըստ 2022-2025 թթ. աշխատանքային պլանի,
- ✓ Վիճակագրական և երկրատարածական տեղեկատվության ինտեգրման ՄԱԿ-ի փորձագիտական խմբի աշխատանքները, արդյունքները և մարտահրավերները,
- ✓ UN EG-ISGI Ինտեգրված երկրատարածական տեղեկատվության շրջանակի գործողությունները, արդյունքները և մարտահրավերները,
- ✓ UN-GGIM ակադեմիական ցանցի գործողությունները,
- ✓ UN-GGIM Կլիմայի կայունության աշխատանքային խմբի մանդատի գործառույթները, արդյունքները և մարտահրավերները,

- ✓ Միավորված ազգերի կազմակերպության ինտեգրված աշխարհատարածական տեղեկատվական շրջանակ (UN-IGIF),
- ✓ Առանձին խմբերով ոլորտային քննարկումներ; տվյալների ինտեգրման աշխատանքային խումբ, կայուն զարգացման նպատակների աշխատանքային խումբ:

## **6. Հանդիպումները, ելույթները, բարձրացված կամ քննարկված հարցերը.**

Ապրիլի 15-16-ը տեղի ունեցավ ՄԱԿ-ի գլոբալ երկրատարածական տեղեկատվության կառավարման կոմիտե. Եվրոպա «Տվյալների ինտեգրում» և «Կայուն զարգացման նպատակներ» աշխատանքային խմբերի հանդիպումը: Հանդիպմանը մասնակցում էին ինչպես վիճակագրական, այնպես էլ կադաստրի, քարտեզագրության լիազոր մարմինների ներկայացուցիչները: Հանդիպման ընթացքում ելույթներով հանդես եկան աշխատանքային խմբերի անդամ երկրների ներկայացուցիչները, ներկայացրին իրենց երկրների փորձը վիճակագրական և երկրատարածական տվյալների ինտեգրման, փոխանակման, արտապատկերման ոլորտներում: Ներկայացվեցին UN-GGIM. Europe Ինտեգրված երկրատարածական տեղեկատվական շրջանակի գործունեության ընթացքը, արդյունքներն ու մարտահրավերները, վիճակագրական և երկրատարածական տեղեկատվության ինտեգրման ՄԱԿ-ի փորձագիտական խմբի աշխատանքները, արդյունքներն ու հեռանկարները:

Հանդիպման ժամանակ կազմակերպվել են առանձին խմբերով ոլորտային քննարկումներ, մասնակցել են տվյալների ինտեգրման աշխատանքային խմբի քննարկմանը: Ներկայացրել են ՀՀ ազգային տարածական տվյալների ենթակառուցվածքի, ստանդարտների մշակման կարևորությունը տվյալների ինտեգրման մեջ: Առանձնակի շեշտադրվել է վիճակագրական և երկրատարածական տվյալների լիազոր մարմինների համագործակցությունը, փորձի փոխանակումը և մեկ համընդհանուր գաղափարի շուրջ աշխատելու կարևորությունը:

Անդրադարձ կատարվեց աշխարհատարածական տվյալների վերլուծության ներդրմանը և վիճակագրական տվյալների հետ դրանց ինտեգրմանը գլոբալ, եվրոպական և ազգային տեսանկյունից՝ հիմնված կայուն զարգացման ցուցանիշների վերլուծության վրա:

Աշխատանքային երկու օրերի ընթացքում առանձին հանդիպումներ և քննարկումներ են ունեցել կազմակերպիչների և լիազոր մարմինների ներկայացուցիչների հետ: Քննարկումներ են ունեցել նաև Նիդերլանդների և Բելգիայի Թագավորությունների կադաստրների ներկայացուցիչների հետ՝ տարածական տվյալների ինտեգրման վերաբերյալ:

## **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպման ավարտին ամփոփվեցին տվյալների ինտեգրման և կայուն զարգացման նպատակների աշխատանքային խմբերի առաջարկությունները, բարձրացված խնդիրները, և հնարավոր լուծումներ առաջարկվեցին:

Հստակեցվեցին հետագա անելիքները և ապագայի տեսլականը՝ կարևորվեց հատկապես ազգային վիճակագրական և երկրատարածական գործակալությունների միջև միջազգային համագործակցության խորացման գործընթացը:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հանդիպման ավարտին կազմակերպիչները կարևորեցին Հայաստանի մասնակցությունը միջոցառմանը, պայմանավորվածություն ձեռք բերվեց ակտիվ մասնակցել առցանց կազմակերպվող միջոցառումներին՝ փորձի փոխանակման, մասնագիտական նոր գիտելիքների և հմտությունների ձեռքբերման տեսանկյունից:

**9. Ստորագրությունը, ամսաթիվը:**

Մարինե Սահակյան



19.04.2024 թ.